

INUIT ATAQATIGIIT

INATSISARTUNI



Nuuk, 29.02. 2012

Inatsisartut Suleriaasianni § 37 naapertorlugu matumuuna imaattunik Naalakkersuisunut apeqquaqarpunga:
(Inatsisartuni ilaasortaq Naaja Nathanielsen, Inuit Ataqatigiit)

Apeqqutit:

- 1. Aatsitassat pillugit inatsimmi § 1, imm. 2-mi aalajangersakkat danskisut kalaallisullu oqaasertai assigiinngissuteqarput. Danskisut oqaaseqatigiit: "under tilsvarende forhold" inatsisip kalaallisoortaani imatut oqaasertaqarput: "pissutsini assigiinngitsuni"¹. Sorleq najoqqutarissallugu eqqortuua?**
- 2. Danskisut oqaasertalik najoqqutareqquneqassappat, Aatsitassat pillugit inatsimmi § 1, imm. 2-mi oqaaseqatigiit atorineqartut: "pissutsini assingusuni", imatut paasineqassappat; pineqarluni piumasaqaatit minnerpaaffissamiitinneqartut?**

Tunnqavilersuut

Aatsitassat pillugit inatsiserput tunnqavimmigut inatsisiliaavoq pitsaasoq suliarilluagaasorlu. Avatangiisitsinnut, peqqissutsimut isumannaallisaanermullu tunnqassuteqartuni piumasaqaatit qaffasinnerpaaffissamiitinneqartut malillugit ingerlatsisoqartassasoq maleruaqqusaliani piumasaqaataavoq. Aatsitassat pillugit inatsimmi § 1, imm. 2 imatut oqaasertaqarpoq: *"Ingerlatanik inatsimmut ilaasunik suliarinninnermi isumannaallisaaneq, peqqissuseq, avatangiisit, pisuussutiniq atorluaaneq kiisalu inuiaqatigiinnut akornutaanngitsumik ingerlatat suliarineqarnissaat kiisalu pissutsini assingusuni nunat tamat pitsaasumik ileqqoris-saartarnerat akuerisaasut qulakkeerneqarnissaat Inatsisartut inatsisaatigut anguniar-neqarpoq."* Nunarsuulli avannaarpiaani inissisimanitta nassatarivaa imaalitsiaannaq nunarsuup sinnerani aatsitassarsiornikkut ingerlatsiviusunut allanut sanillersuussisoqarsinnaanngimmat. Taamaammatt nunani allani aatsitassarsiorfinnik "pissutsini assingusuni" ingerlatsiviusunik nassaarniarnissaaq ajornakusoorsinnaasassaaq. Tamannali ajornartorsiu-titaqassanngikkaluarpog oqaaseqatigiit atorineqartut: "pissutsini assingusuni", imatut paasineqarpata; tamatumani pineqarluni piumasaqaatit minnerpaaffissaminniitinneqartut.

Inatsimmi aalajangersakkat kalaallisut danskisullu oqaasertai assigiinngissuteqarmata tamanna soorunalumi ajuusaarnarlunnartuuvog, pingaartumik inatsisiliornermi kalaallit oqaasii aallaavigineqartussaattillugit. Oqaatsit inatsisini atorineqartut kukkuneqarqunnagit taamaammatt ilangullugu kaammattuutigivara inatsit tamaat misissorneqassasoq.

¹ Danskisut allakkaanni isumaqartoq: "under forskellige forhold".